

博物彙編

禽蟲典

魚部

鯨魚部

鯉魚部

魴魚部

部

鱈魚部

部

鮎魚部

部

無音

吉

1954—1955

三三

一、

鯪魚

150

無

三

鱖魚

三

魚部

四

鱈魚部
鰻魚部
鮠魚部
白魚

部 青魚部 牛魚部 嘉魚部

竹魚部
勑魚部
鰻鱺魚部
章

魚部 金魚部 河豚魚部 海

脈魚部

魚師部 魚虎部 海鰐魚部 文

鮪魚部 石鮪魚部 黃鮪魚部

且目魚部 魚部

不首魚部 不玃魚部 杜父魚部

鮑列魚音

(附)

三、[附錄]

10

一、

一

古今圖書集成

中華書局影印

Z 225

2

第一百二十六卷目錄

魚部紀事二

禽蟲典第一百二十六卷

魚部紀事一

大唐新詔隱太子嘗至溫湯李綱詹事以小疾不從有獻生魚者太子召饗者鱸之時唐儉趙元楷在坐各自贊能爲鱸太子謂之曰飛刀鱸鯉調和鼎食公實有之至於蕃論粥諧固屬李綱矣於是送絹二百匹走迎之

酉陽雜俎太宗虬鬚嘗戲張弓挂矢好用四羽大箭
常以長箭一射洞門闌上舊觀漁於西宮見魚躍焉
問其故漁者曰此當乳也於是中網而止

廣五行記唐儀鳳元年博州僧正滿行同凡俗市價
數頭於房作膾食之至夜四更忽聞窻外有暴風聲
乃夢一佛二金剛語滿云爾是何物小兒將糞汚伽
藍金剛手執棒達閉目因而兩目不開矣

唐書酷吏傳周利貞者亡其采武后時調錢塘尉時禁捕魚州刺史飯蔬利貞忽饋佳魚刺史不受利貞曰此闌魚公何疑問其故答曰適見漁者禽不獲而有魚焉闌得之刺史大笑

雲仙雜記孟浩然一日周旋竹間喜色可掬又見網師得魚尤甚喜躍友人問之答云吾適得句中有魚竹二物不知竹有幾節魚有幾鱗疑致疏謬今見二物乃釋然矣

酉陽雜俎越州有盧冉者時舉秀才家貧未及入京
因之顧頭堰堰在山陰縣顧頭村與表兄韓確同居
自幼嗜鯿在堰嘗憑吏求魚韓方腹夢身爲魚在潭
有相忘之樂見二漁人乘艇張網不覺入網中被擲
桶中覆之以葦復觀所憑吏就潭商價吏即擢鯿貫
鯿楚痛始不可忍及至舍歷認妻子婢僕有頃寘碓
斯之苦若脫膚首落方覺神痴良久盧驚問之具述
所夢連呼吏訪所市魚處迫漁子形狀與夢不差韓
後入釋住祇園寺時開元二年成式書吏沈郢家在
越州與堰相近目觀其事

唐書五行志開元四年安南都護府江中有大蛇首尾橫出兩岸經日而腐寸寸自斷數日江魚盡死蔽江而下十五五相附著江水臭

開元天寶遺事明皇以李林甫爲相後因召張九齡問可否九齡曰宰相之職四海具瞻若任人不當則國受其殃只如林甫爲相然寵擢出宸衷臣恐他日之後嗣延宗社帝意不悅忽一日帝曲宴近臣於禁苑中帝指示於九齡林甫曰檻前盆池中所養數頭魚鮮活可愛林甫曰賴陛下恩波所養九齡曰盆池之魚由陛下任人他但能裝景致助兒女之戲爾帝甚不悅時人皆美九齡之忠直

冊府元龜開元二十一年二月衢州獲魚有銘獻之
侍中裴光庭等奉賀

銷夏魚鮑湯海蟹湯四喜湯漢安瑤瑤板中鮑江及
萍藻諸魚鮑蟹鴨等湯奉回
舊唐書五行志上元三年京城自七月晦時明月盡
方止街市溝渠中湧帶白魚

唐書孟詵志嘉州三峽涪州魚鼈蔽江而下皆無首
十年四月江西溪澗魚頭皆戴蚯蚓

宣室志唐柳州刺史河東柳宗元嘗自省郎出爲永州司馬遂至荆門舍驛亭中是夕夢一婦人衣黃衣再拜而泣曰某家是水者也今不幸死在朝夕非君不能活之僅獲其生不獨戴恩而已衆能假君祿益君爲將爲相且無難矣幸明君于一圖焉公謝而許之既寤嘆曰異之及再寐又夢婦人且祈且謝久而方去明晨有吏來稱荆帥命將宴宗元宗元既命駕以天色尚早因假寐焉既而又夢婦人頓然其容憂惶不暇顧謂宗元曰某之命今若縲之懸甚風危危將斷且飄矣而君不能念其事之急耶幸疾爲計不爾亦與敗縲將斷矣願君子許之言已又祈拜既告去心亦未悟焉卽俯而念曰吾一夕三夢婦人告我辭甚懇豈吾之更有不平於人者耶抑將宴者以魚爲我膳耶得而活之亦吾事也卽命駕詣郡宴既而以夢話荆帥且召吏訊之吏曰前一日漁人網獲一巨黃鱗魚將爲膳今已斷其首宗元驚曰異其夕之夢遂命挈而投江中然而其魚已死矣是夕又夢婦人來亡其首宗元益異之

唐書五行志元和十四年二月晝有魚長尺餘墜於鄆州市良久乃死

記事珠寶曆中西陽人見釣魚師有魚腦貫黃文愛

而買歸食至春上出金叙一隻長六寸
酉陽雜俎衛公幼時常於明州見一水族有兩足嘴
似雞身如魚

唐書五行志開成二年三月壬申有大魚長六丈自
海入淮至澤州招義民殺之

西陽雜俎河陽城南百姓王氏莊有小池池邊巨柳
數株開成未葉落池中旋化為魚大小如葉食之無
味至冬其家有官事

劇談錄李德裕有巨魚脊骨一條長二丈五尺其上
刻云會昌二年海州送到

玉泉子李拂宰相之姪生長綺執會宰過池不知
書因節歲索魚不得怒追魚師云緣獵暴不敢打魚
判云俯臨新歲猛獸驚人通圍至寬疎而不漏

苗航以進士及第困居洛中有年矣不堪其窮或意
謂將來通塞可以繼下即命姪兒灑掃廳事設几焚
香束帶秉笏端坐以俟一言所居窮僻久之無聞日

晏有貨枯魚者至焉航復視其至而諦聽之其家僅
連呼之且挈魚以入其實元無一錢良久方出貨者
還其出因怒之矣又見或微刺其魚貨者視之因罵

曰乞索兒終餓死爾何滯我之如是耶

宣室志唐河東柳沂者僑居洛陽因乘春釣伊水得
巨魚罩而歸致於盆水中先是沂有嬰兒始六七歲
是夕沂夢魚以喙嚙嬰兒臆沂悸然而悟果聞嬰兒
啼曰向夢一大魚嚙我臆痛不可忍故啼焉與沂夢
同沂異之乃視嬰兒之臆果有瘡而血沂益懼明日
以魚投伊水中且命僧轉經齋像僅旬餘嬰兒瘡愈
沂自後不復釣也

北夢瑣言唐崔樞為小朝官家人於井中汲得一魚
樞本好鮮食意是廚人治魚誤落井中乃令烹而啖
之忽夢為冥官領過讀判云人間小臣輒食龍子所
有官爵並削除後一年卒樞甚有聲不謫顯位誤有
所食豈命也夫

雲仙雜記蘇頌郎中召客無魚念曲江多有而禁釣
乃令掌吏用油幕偷數頭適濟其事
喬數嗜魚而貧日向漁人貸食漁人送魚一斤則以
白堊標門記之後日償價年律一終白堊盈門

揚州太守閻丘惠會僚友於轉沙亭集境內漁戶令
曰所得魚多者有金帛之賞有一漁人以肉物作塊
散懸於網上取魚倍衆力凡十網得魚三千六百無
甚小者衆慚而退太守詢之曰魚喜鹿胎之香適散
應者乃此物也下網名之萬魚畢聚矣

東川降魔寺僧吉祥魁梧多力受飯五鉢日夜誦經
九函池中魚知其數以名召之皆出水而便去即沒
五行記唐杭州富陽縣韓珣莊墾井纔深五六尺土
中得魚數千頭土有微潤

靈怪集唐吳郡漁人張胡子嘗於太湖中釣得一巨
魚腹上有丹書子曰九登龍門山三飲太湖水畢竟
不成龍命負張胡子

酉陽雜俎興州有一處名雷穴水常半穴每雷聲水
塞穴流魚隨流而出百姓每候雷聲繞樹布網獲魚
無限非雷聲漁子聚鼓於穴口魚亦輒出所獲半於
雷時拿行規為興州刺史時與親故書說其事

那爛記薛若社好讀書往往徹夜一日遇比丘告之
曰夜半不臥則血不歸心君雖好學恐非延益之道

薛蘭潛心傳記則心昧於時何夜半之可得知乎僧
因就水中捉一魚赤色與薛曰此謂知更魚夜中每
至一更則為之一躍薛畜盆中置書凡至三更魚果
三躍薛始就寢更名曰代漏龍

北戶錄南海諸郡人至八九月於池塘間采魚子著
草上懸於竈煙上至二月春雷發時却收草浸於池
塘間旬日內如蝦蟇子狀露於市號魚種育池塘間
一年內可供口腹

唐書五行志乾符六年汜水河魚逆流而上至垣曲
平陸界

光啓二年揚州雨魚

金鑾密記昭宗在鳳翔宴侍臣捕池魚為饌李茂貞
曰本畜此魚以候車駕又以巨杯勸帝帝不飲飲
茂貞杯叩帝頤領坐皆憤其無禮

錄異記天復初馮行襲侍中節制全州洵陽縣未南
鄉百姓柏君懷於漢江勒漢潭探得魚長數尺身上
有字云三度過海南度上漢行至勒漢命屬柏君

唐書地理志淮南道揚州廣陵郡土貢魚鰾魚鰾
江南道蘇州吳郡土貢鱖皮飯鰾鰾鰾鰾鰾魚子白
石脂蛇果

北夢瑣言李匡威少年好勇不拘小節自布素中以
飲博為事漁陽士子多忌之曾一日與諸遊俠輩釣
於桑乾赤欄橋之側自以酒贖曰吾若有幽州節制
分則獲一大魚果釣得魚長三尺人甚異焉

有年少眼中常見一小鏡子醫工趙卿診之與少年
期來晨以魚鱗奉候少年及期赴之延於閣子內且
令從容俟客退後方得攀接俄而飯臺於上施一甌

芥醋更無他味卿亦未出迨日中久候不至少年饑甚且聞醋香不免輕啜之逡巡又啜之覺胃中豁然眼花不見因揭瓶啜之趙卿探之方出少年以啜醋慙謝卿曰郎君喫醋太多醋醋不快又有魚鱗在胃中所以眼花適來所備醋醋只欲郎君因飢以啜之果愈此疾烹鮮之會乃權証也

稽神錄東州靜海軍姚氏率其徒捕海魚以充歲貢時已將晚而得魚殊少方憂之忽獲網中一人黑色身身長毛拱手而立問之不應海師曰此所謂海人見必有災請殺之以塞其咎姚曰此神物也殺之不善乃釋而祝之曰爾能爲我致羣魚以免闕職之罪信爲神矣毛人却行水上數十步而沒明日魚乃大獲倍於常歲矣

香菴叢談錢氏時西湖漁者日納魚數鮑謂之使宅魚其捕不及數者必市以供頗爲民累一日羅隱侍坐壁間有確溪垂釣圖武肅王索詩隱應聲云呂望當年展廟謨直鈞釣國更何如若教生在西湖上也是須供使宅魚武肅大笑遂獨其租

五代史鄭遨傳遨與道士李道殷羅隱之友善世目以爲三高士邀種田隱之賣藥以自給道殷有釣魚術釣而不餌又能化石爲金邀嘗驗其信然而不求也

錄異記成都書臺坊武侯宅南乘烟觀內古井中有魚長六七寸往往遊於井上水必騰涌相傳并有龍淸異錄劉餗僞宮中有魚英托鉢椰子立壹四隻各受三斗橫海人亦以爲罕有魚英蓋魚腦骨煇治之可以成器

淸異錄吳越功德判官毛勝多雅戲以地產魚蝦海物四方所無因造水族加恩簿

十國春秋南唐僧深傳深一日同智明過淮見漁人布網有魚從網出者深曰此却與神僧相似智明曰爭如當將不入網羅深曰公少悟矣智明至中夜方省

珍珠船李後主得青石硯墨池中有黃石如彈丸水常滿終日用之不耗每以自隨後歸朝陶穀見而異之硯大不可持乃取石彈丸去後主索之良苦陶不能奈曰要當碎之石破中有小魚跳出地即死自是硯無復潤澤

墨客揮犀李景使大將胡則守江州江南未下曹翰以兵圍之三年城堅不可破一日則怒一妻人膽魚不精欲殺之其妻遽止之曰士卒守城多年矣屍骨滿地奈何以一食殺士卒耶則乃捨之比夜卒縋城走投曹翰具言城之虛實先是城西南倚險索不設備卒乃引三帥自西南攻之是夜城陷胡則一門無遺類

宋史錢氏世家孫承祐叔納其姊爲妃承祐在浙右日憑藉親寵恣爲奢侈每一飲宴凡殺物命千數常膳亦數十品方下筋所居室中養龍腦日不下數兩從軍蜀北征以乘驢負大斛貯水養魚自隨至幽州南村落間日已昏西京留守石守信與其子駙馬都尉保吉及近臣十數人尚未朝食通遇承祐即延所止幕舍中膳魚具食窮極水陸人皆異之

五行志淳化三年京師里巷婦人競剪黑光紙團壓又裝鱗魚腮中骨號魚媚子以飾面黑北方色魚水

族皆陰類也面爲六陽之首陰侵於陽將有水災明年京師秋冬積雨衢路水深數尺至道元年十二月廣州大魚擊海水而出魚死長六丈三尺高丈餘

歸田錄吳宗朝歲賞花釣魚羣臣應制書一歲歸池久之而御釣不食時丁晉公謂應制詩云鸞驚鳳翬穿花去魚畏龍顏上釣連吳宗稱賞羣臣皆自以爲不及也

鄉幾雜志范希文茂邊行水邊甚樂之從者前云此水不好裏面有蟲謂之蟲乃是魚也各云不妨我亦食此蟲也

千役志癸亥次新治禱江神得大魚
灑水燕談錄蘇子美處居未滿居姑蘇以詩自放一日觀魚道浪亭有詩云我嗟不及游魚樂虛作人間半世人識者以爲不祥未幾果卒年四十一

佛祖歷代通載天衣義懷禪師姓陳氏溫州樂清人
世以漁爲業母夢星限於屋陰而光照戶遂娠及生尤多奇兒稚坐父船尾父得魚付懷懷不忍申之私投江中父怒咎詬甘甜之不以介意

後山談叢胡人獵而不漁熙寧中官軍復熙河洮水之魚浮取之如拾久而魚滑
避暑錄話蘇子瞻元豐間赴詔欲與其長子邁俱行與之期送食惟菜與肉有不測則徹一物而遂以魚使何外間以爲候遇謹守踰月忽糧盡出謀於陳留

委其一親戚代送而忘語其約親戚偶得魚鮮送之不兼他物子瞻大駭知不免將以祈哀於上而無以自達乃作二詩寄子由祝獄吏致之蓋意獄吏不敢

隱則必以聞已而果然神宗初固無殺意見詩益動心自是遂益欲從寬釋

東坡志林予在東坡嘗親執鉏耨魚菜以設客客未嘗不稱善意窮約中易為口腹耳今出守錢塘厥水陸之品今日偶與仲夫貺王元直奉少章會食復作此味客皆云此羹超然有高韻非世俗庖人所能彷彿歲莫寡欲聚散難常當時作此以發一笑也元祐四年十一月二十九日

談苑眉州有人家畜數百魚深池中以磚甃四圍皆屋凡三十餘年一日天晴無雷池中忽發大聲如風雨皆躍起羊角而上不知所往舊說不以龜守則為蛟龍所取余以謂蛟龍必因風雨疑此魚圍局三十餘年日有騰拔之志精神不衰久而飛去自然之理游官起聞三山溪中產小魚斑紋赤黑相間里中兒養之角勝負為博戲

明道雜誌漢陽武昌濱江多魚土人取江魚皆剖之不加鹽曝江岸上數累千百雖盛暑為蠅蚋所敗不顧也候其乾乃以物壓作餅謂之淡魚載往江西賣之一餅近百錢饒信間猶重之若飲食祭享無淡魚則非盛禮雖臭腐可惡而更以為佳一船淡魚其直數百千稅額亦極重黃州稅物每有三淡魚船則一日課利不憂

時寒政和中濟南府禹城縣孝義村崔志有女甚孝母臥病久冬忽思魚食而不可得其女曰聞昔者王祥臥冰得魚想不難也兄弟皆曰盡信書則不如無書汝女子何妄論古今女曰不然父母有兒女者本欲養生送死兄謂女不能邪乃同孔嬴焚香誓天即

往河中臥冰凡十日果得魚三尾鱗鬣稍異歸以饋母食之所病頓愈人或問方臥冰時曰以身試冰殊不覺寒也

宋史五行志政和七年夏中有二魚落殿中省廳屋上宣和二年三月內出魚純赤色蔡京等乞付史館拜表賀

鷄肋編北人南牧上皇遽遷位彼將及都城乃與蔡攸一二近侍微服乘花網小舟東下人皆莫知至酒上徒步至市中買魚酬價未諧估人呼為保義上皇顧攸笑曰這漢毒也歸猶賦詩就用紅魚羹故事初不為成

宋史吳皇后傳高宗為康王后被選入宮王即帝位后常以戎服侍左右后頗知書從幸四明衛士謀為變入問帝所在后給之以兔未幾帝航海有魚躍入御舟后曰此周人白魚之祥也帝大悅

齊東野語胡致堂寅字明仲文定公安國弟之子也將生欲不舉文定夫人夢大魚躍盆水中急往救之則已溺將死矣遂抱以為己子

賢奕紹興中虜趙京所過城邑欲立取之會天大寒城池皆凍虜藉梯城不攻而入張魏公在大名聞之先馳濠魚之禁人爭出魚冰不得合虜至城下睥睨久之歎息而去

宋史五行志紹興十八年漳浦縣崇照鹽場海岸連有巨魚高數丈割其肉數百車刻日乃覺轉輒而傍艦皆覆又漁人獲魚長二丈餘重數千斤剖之腹藏人髀膚髮如生

淳熙十三年二月庚申錢塘龍山江岸有大魚如象隨潮洑復逝十六年六月甲辰錢塘旁江居民得魚備五色鮑首鯉身民詭言夢得魚覺而在手猶躍事聞有司令縱之

慶元三年二月饒州景德鎮漁人得魚類尾鯉鱗而首異常魚鎮之老人言其不祥紹興二年書出後為水災蓋是歲五月饒果大水皆魚孽也嘉定十七年海壇鎮縣鹽官地數十里先是有巨魚橫海岸民鬻食之海患共六年而平

茅亭客話青城縣漁者李克明釣歸傾其魚於竹器中有一魚化為石長四寸許鱗鬣燦然若活漁人婦見而愛之將與豎子為戲其豎子將石魚於槐水中或搖鬣振鱗浮泳而活漁者驚異取出置土罌中因是鄰里求觀者衆在水則活離水則為石率以為常時巡轄柏舍人盧舟取此魚看藏之中斷致於水中不復活矣

捫蝨新話陳文壽嘗語予人有於庭樹間鑿池以收魚者每鼓琴於池上即投以餅餌魚爭食之如是者屢矣其後魚但聞琴聲丁丁然雖不投餅餌亦莫不跳躍而出客不知其意餅餌也以為餌巴復生予曰此正宋齊丘所謂食化者齊丘曰庾氏之魚可名策策辛氏之魚可名堂堂如此則庭下之魚可名丁丁文壽大笑

田間書余嘗步自橫溪有二叟分石而釣其甲得魚至多且易取其乙亡所獲也乙乃投竿問甲曰食餌同釣之水亦同何得失之異耶甲曰吾方下釣時

但知有我而不知有魚目不瞬神不變魚忘其爲我故易取也于意乎魚目乎魚神變則魚游矣矣其獲乙如其教連取數魚予笑曰旨哉

山家清供蓮花中嫩房去截底刺積留其孔以酒漿香料和魚塊實其內仍以底坐甑內蒸熟或中外塗以蜜出櫟用溫父三鮮供之向在季春坊席上曾受此供得詩云錦辦金房纖幾重遊魚何事得相客湧身既入花房去好似華池獨化龍李大喜送端硯一枚龍墨五笏

春渚紀聞姑蘇李章敏於調戲偶赴鄰人小集主人者雖富而素鄙曾次章適坐其旁既進饌章視主人之前一煎鮭特大於衆客者章即請於主人曰章與主人俱蘇人也每見人書蘇字不同其魚不知合在左邊者是在右邊者是也主人曰古人作字不拘一體移易從便也章即引手取主人之魚示衆客曰領主人指攜今日左邊之魚亦合從便移過右邊如何一座輟飯而笑終席乃已

吳興蘭村沈氏子嘗具舟載往平江中道有僧求附舟尾生因客之行十餘里生晨炊僧求飯遂分共之且謂僧曰適與舟人羹魚爲饌無物爲羞羞不罪也僧曰無問魚與菜施當在于子耳生意僧欲得羹因分餉之食竟僧謂生曰汝量出數金爲禱施生曰食魚而須觀施非余所當獻且食魚非齋何獻之有僧曰無問魚菜在汝心獻耳生不得已戲謂之曰請獻蘭村大王僧遂合掌祝獻既行數里登岸而去明年正月生與社人祭神廟中神降於欄人中謝生曰去歲深承輟飯齋僧而誠心布施得福最多以我獻僧

我長增感生已忘前事神人謂生曰汝至某村有僧附舟汝以魚飯之次有惡獸欲截汝舟我時已陰護之矣生始記憶因語其詳於社人云

聞見近錄張大夫幼子嗜鮮鱸張運判湖南其子買魚刺腸茅羹羹沸刺魚游泳鼎中羹成鮮活若不刺者視之則刺矣遂絕烹鮮

齊東野語吳興莫汲子及始受世澤爲詮試魁既而解試省試廷對皆居前列一時名聲藉甚後爲學官以語言獲罪南遷石龍地並海子及素負邁往之氣暇日具大舟招一時賓友之豪泛海以自快將至北洋海之尤大處也舟人畏不敢進子及大怒脅之以劍不得已從之及至其處四顧無際須臾風起浪湧舟掀簸如桔槔見三魚皆長十餘丈浮弄日光其一若大鮎狀其二狀類九尾衆皆戰慄不能出語子及命大白連酌賦詩數絕略無懼意

虛谷開抄蜀中有一道人賣自然羹人試買之羹中二魚鱗鬣腸胃皆具鱗間有黑紋如一圓月味如瀟水食者旋剔去鱗腸其味香美有問魚上何故有月道人從羹中傾出皆是荔枝仁初未嘗有魚并月則笑而急走回顧云蓬萊月也不識明年時疫食羹人皆免道人不復見

五色線莆田溪冬天水熱如湯衆魚歸之名曰魚倉登州府志崑崙山石落村劉氏嘗於海濱得百丈巨魚取骨爲梁構屋曰鯉堂

金史溫敦昌孫傳昌孫皇太后之姪衛尉七十五之子爲人短小精悍性復豈弟累遷諸局分官上幸蔡授殿前左副點檢圍城中數引軍潛出巡邏時尚食

須魚汝河魚甚美上以水多浮尸惡之城西有積水曰練江魚大且多往捕必軍衛乃可昌孫常自領兵以往所得動千餘斤分賜將士後知其出左右設伏伺而邀之力戰而死

崔立傳立天興元年授西面元帥性淫狡常思亂以快其欲葉安國者年二十餘有勇力貧無以爲食立將爲變潛結納之安國健啖日飽之以魚遂與之謀白雲時議金國有一太守得巨魚令庖人烹焉熟而薦之求魚之舌庖人曰魚元無舌不信其說疑其竊而食之輒背數十

元史胡光遠傳光遠太平人母喪廬墓一夕夢母欲食魚晨起號天將來魚以祭見生魚五尾列墓前俱有嚼痕鄰里驚異方共聚觀有瓶出草中浮水去衆知是瓶所獻以狀聞於官

輟耕錄至正丙午八月辛酉上海縣浦東俞店橋南牧羊兒三四間頭上恰恰有聲仰視之流光中隕一魚其狀不常見自首至尾根僅盈尺似闊而短是日睛無陰雲亦無鵲鵲之類是可怪也日昃時縣市人闕然指流星自南投北即此時也橋下一細民家取欲烹食其妻鹽而藏之來者多就觀焉或者曰志有云天隕魚人民失所之象

真臘風土記魚龍惟黑鯉魚最多其他如鯉鰱草魚最多有不識名之魚亦甚多此皆淡水洋中所來者至若海中之魚色色有之鱈魚湖鰓田雞土人不食入夜則縱橫道塗間

賢英趙司成未號類菴京師人一日過魯學士薛邸魯公曰公何之司成曰憶今日爲西涯先生誕辰將

往壽也魯公曰吾當與公偕公以何爲贊司成曰帕二方也魯公曰吾贊亦應如之入啓筭索帕無有躊躇良久憶里中曾餽有枯魚令家人取之家人報以食僅存其半魯公度家無他物卽以其半載與趙公俱往公所稱祝公烹魚沽酒以飲二公歡甚卽事倡和而罷

見聞錄蔣恭靖公瑤正德時守維揚適大駕南巡時遊擊將軍江彬擅權怙勢太監丘得者且素惡公不能慙慙從而譏諂其間橫肆要索殊求無厭彬負上所賜銅瓜荷公以死以求必得公殊不爲動會上出觀魚得巨魚一戲言直五百金彬從傍言請以昇守促值甚急公卽脫夫人簪珥及綈絹服以進且曰臣府庫絕無緒錢不能多具上目之爲酸儒勿較也冠縣志正德十年三月隕魚於市

見聞紀訓朱筆峯名觀崑山人與余同官閩泉嘗言其家塾師之父楊姓者一日坐於門見一婦人過壁一銀簪於街石上鏗然一聲伺其去遠就其所視之不見止見一蚯蚓在石罅間踟躕良久俄一男子過其所徑俯拾之楊老乃高聲曰此吾所壓簪也其人知其偶徑去楊老隨而牽其末不釋其人乃取銀二分以一買魚一尾以一付之曰老者休纏將此銀沽酒煮魚作一夜消可也楊老乃歸置魚釜上買酒一壺令其媳煮魚燂酒間忽鄰婦突跳釜上媳以杖撲猶猶竟銜魚去因覆其酒而併盛魚器碎焉人皆憐而笑之夫楊老養化爲蚓似可怪矣而猶強索之其能食乎
林水錄始興縣北湯泉泉源沸湧浩氣雲浮以腥物

投之俄頃卽熟其中時有細赤魚游之不爲灼也見聞錄嘉興屠漸山論德一日欲怡僕某怒甚僕惶遽求解於夫人夫人笑謂置一大魚來莫測其指漸山公嗜魚見而詫其肥夫人從傍微嚙曰但水寬耳僕以此獲免夫微言譏笑可以解紛不謂閨中諍此機鍼也

見聞錄張廉察受所公云余外祖朱旅漢在南京時江中得大魚解進公其大如舟而魚腹中吞一虎以撐腹致死受所公至余讀書臺舟中言之

賢奕泉海有魚乘潮入港潮退不得出土人呼聚百衆持刀斧梯上魚背悉意砍取其肉數十百石魚猶恬然如故潮至復乘之去此猶其小者雷海有魚海濱人望之連互若太行自東徒西直至半月乃休其長奚啻千里或曰如此魚者必大海乃有之若井非不清潔也味非不甘冽也求三寸之魚不可得矣

歷城縣志濯纓湖廣數十畝蓄魚無算大者數尺陰雨往往起龍韓觀察宅有芙蓉亭下卽芙蓉池蓄魚數千頭于太僕池亭在龍潭西北亦蓄魚數百計天晴魚多暴出水清極鱗鱗畢見

江西通志聖井在廣信府貴溪縣東南八十里龍虎山三井相連一井在絕頂人跡罕到世傳有龍居之投金鐵重物則浮楮帛輕物則沉荷不精潔盤旋而出受之必泛物以酬水黽黑中產異魚事者迎以致雨屢驗

聖水堂在南康府安義縣北二十里一山高起可五里許四圍孤峭山頂一池池南稍容數十步東西但容數武池水四時不涸中多四足紅腹魚大小

二三寸許捕之有聲魚泉在九江府瑞昌縣歸義鄉春震有小魚湧出色皆花居民聞雷則候之取食
鄱縣志溫泉南有魚洞歲穀雨先金鯽浮游少焉大魚湧出不竭三日乃止有鱗鬣異常者名魚龍泉如阜縣志施食池舊廣六畝有梵僧施粥池中後人得魚剖之腹中皆有麪故一名洗鉢池

欽定古今圖書集成博物彙編禽蟲典

第一百三十七卷目錄

魚部雜錄

魚部外編



禽蟲典第一百三十七卷

魚部雜錄

易經剝六五貫魚以宮人龍无不利本魚陰物宮人陰之美而受制於陽者也五爲衆陰之長當率其類受制於陽故有此象

姤九二包有魚无咎不利賓包者其裹也魚陰物之美者陽之於陰其所悅美故取魚象二與初遇爲包有魚之象然制之在已故猶可以无咎若不制而使過於衆則其爲害廣矣故其象占如此

九四包无魚起凶本初六正應已過於二而不及於已故其象占如此

中孚豚魚吉豚豚魚異物之難感者也孚信能感於豚魚則无不至矣所以吉也

詩經齊風敝笱章敝笱在梁其魚唯唯唯唯行出入之貌

陳風衡門章豈其食魚必河之魴豈其食魚必河之鯉陸氏曰里語云洛鯉河魴貴於牛羊則魴鯉乃魚之美者

槍風匪風章誰能烹魚派之參鬻

小雅魚麗章魚麗于罾罾猶魚麗于罾魴鯉魚屬于罾鯉鯉全大卑雅云鯉鯉之美不若魴魴魴之美不若鯉鯉故其序如此鯉魚黃魴魚青鯉魚元鯉魚白

鯉魚赤則五色之魚皆備

鶴鳴章魚潛于淵或在干渚魚在于渚或潛于淵言理之無定在也

無羊章牧人乃夢衆維魚矣大人占之衆維魚矣實維豐年人不如魚之多故夢人乃是魚則爲豐年

正月篇魚在于沼亦匪克樂潛維伏矣亦孔之炤魚在于沼其爲生已覺矣其潛維深然亦炤然而易見言禍亂之及無所逃也

魚藻章魚在藻有頌其首頌大首貌

魚在在藻有華其尾華長也

魚在在藻依于其蒲

大雅旱麓章鸞飛戾天魚躍于淵

靈臺章王在靈沼於物魚躍物滿也魚滿而躍言多而得其所也

韓奕章其載維何魚鼈鮮魚鮮魚中膾者也正新殺謂之鮮魚餒則不任爲膾故云

禮記曲禮母反魚肉

水滸降不獻魚鼈水淵魚鼈易得故不獻

王制禽獸魚鼈不中殺不溺於市

禮器居山以魚鼈爲禮君子謂之不知禮

樂記大饗之禮尚元酒而俎腥魚大羹不和有遺味者矣

樂記水煩則魚鼈不大

儀禮公食大夫禮祭飲酒於上豆之間魚膾醬清不祭不祭者非食物之盛者少儀云祭膳膳爲

大魚肉之備是亦祭之也

賓出有司卷三牲之俎歸於賓館魚腊不與

物取數於月十有五而盈

逸詩魚在在藻厥志在餌

魚水不務陸將何及

古諺水至清則無魚入至暮則無徒

井水無大魚新林無長木

林中不賣新湖上不鬻魚

事歷終古以魚爲祭

道德經微明章魚不可脫於淵國之利器不可以示人

文子上德篇川廣者魚大

魚不可以無餌釣獸不可以空器召

欲致魚者先通谷欲求鳥者先樹木水積而魚聚木茂而鳥集

爲魚得者非挈而入淵也爲獵得者非負而上木也縱之所利而已

困下爲淵即深而魚鼈歸焉

臨河欲魚不若歸而結網

上仁篇先王之法魚不長尺不得取

列子楊朱篇吞舟之魚不游枝流

莊子齊物論毛嬙麗姬人之所美也魚見之深入

大宗師篇泉涸魚相與處於陸相啗以濕相濡以沫

不如相忘於江湖

魚相造乎水人相造乎道相造乎水者穿池而養給相造乎道者無事而生定故曰魚相忘乎江湖人相忘乎道術

壯健篇釣餌網罟罾筍之知多則魚亂於水矣

至樂篇咸池九韶之樂張之洞庭之野魚聞之而下入人卒聞之相與還而觀之魚處水而生人處水而死彼必相與異其好惡故異也

外物篇筌者所以在魚得魚而忘筌

魚不畏網而畏鵜鶘

荀子王制篇聖王之制也鼈龜魚鼈鰭鱣孕別之時網罟罾筍不入澤不天其生不絕其長也

法行篇魚鼈龜鼈皆以淵爲淺而竭其中及其得也必以餌

韓子外儲說左下篇而搖木鳥驚而高魚恐而下善張網者引其綱若一一攝萬目而後得則是勞而難引其綱而魚已獲矣

呂氏春秋功名篇善釣者出魚乎十仞之下餌香也察今篇魚鼈之藏膏一脔肉而知一鑊之味一鼎之

調

精論篇求魚者濡非樂之也

黃石公安禮章水淺者大魚不遊

韓詩外傳吞舟之魚不居澄澤度量之士不居汙世吞舟之魚大矣蕩而失水則爲螻蟻所制失其輔也枯魚銜索淺何不蠶

魚之侈口垂腴者魚畏之

易林灼火泉源釣魚山巖魚不可得火不肯燃

探巢捕魚費日無功

淮南子天文訓火上尊水下流故鳥飛而高魚動而

下月虛而魚腦藏

原道訓井魚不可與語大拘於隘也

主術訓魚得水而遊焉則樂塘決水涸則爲螻蟻所食有掌修其隄防補其缺漏則魚得而利之

水濁則魚噉

繆稱訓尋常之溝無吞舟之魚

齊俗訓會子曰擊舟水中鳥聞之而高翔魚聞之而

淵藏故所趨各異而皆得其便

水積則生相食之魚土積則生自穴之獸

詮言訓俎之先生魚豆之先黍羹此皆不快於耳目

不適於口腹而先王貴之先本後末也

兵略訓魚鼈不動不擐脣喙物未有不以動而制者也

說山訓釣魚者務在芳其餌芳其餌者所以誘而利

之也

好魚者先具苦與累末有無其具而得其利

上求魚臣乾谷

說林訓魚無耳而聽有然之者也

使水濁者魚獲之

釣魚者泛杭

泛釣浮杭動動則得魚

秦族訓天之且雨也陰暄未集而魚已噉矣

說苑政理篇吞舟之魚不遊淵何則其志極遠也

尊賢篇射魚指天而欲發之當也雖舜禹亦困

指武篇鮑魚蘭芷不同簍而藏

雜言篇與惡人居如入鮑魚之肆久而不聞其臭與

之化矣

後漢書劉陶傳養魚沸鼎之中棲鳥烈火之上水木

本魚鳥之所生也用之不時必至焦爛

論衡龍虛篇魚食於濁游於清

答伏篇魚鼈匿淵捕魚者知其源

効力篇淵中之魚選相吞食度口所能容然後嚙之

口不能受哽咽不能下

亂龍篇釣者以木爲魚丹漆其身近之水流而擊之

起水動作魚以爲真並來聚會夫丹木非真魚也魚

含血而有知猶爲象至

潛夫論卜列篇呼鳥爲魚可內之水乎呼魚爲鳥可

棲之木耶

外史時勢篇三寸之魚畜乎方渚憑依乎茂藻之間

蕩漾回淵之際以爲是魚之所逝而息也不知苑囿

潰於淫雨而方渚之波通於川瀆而魚皆掉尾而去

遐逝乎江湖旁泛乎數澤而東躍乎滄海若鯉之變

化而飛翔焉雲行雨施周流八埏而鼓宇內之萬物

是其在渚也安於渚而不知海其在海也又安於海

而忘渚也亦其勢然也

抱朴子博喻篇芳藻春耀不能離柯以久鮮吞舟之

魚不能舍水而攝生

廣譬篇愚魚惑於芳餌

喻蔽篇牛迹之中無吞舟之鱗

登涉篇山中實日有自稱虞吏者虎也辰日稱河伯

者魚也但知其物名則不能爲害

虞喜志林東海之魚鑿一鱗昆崙之木落一葉聖人

皆能知人也

新論愛民篇水濁無掉尾之魚

辯施篇江湖非爲魚鰾潭深而魚自歸之非其所招勢使然也

殊好篇彭蠡之濱以魚食犬而人不愛者非性輕財所豐故也

顏氏家訓山中人不信有魚大如木海上人不信有木大如魚

元眞子真修篇夫鳥飛於空魚遊於淵非術也自然而然也故爲鳥爲魚者亦不自知其能飛能遊苟知之立心以爲之則必墮必溺矣

酉陽雜俎分鱗生蛟龍蛟龍生鯢鯢生建邪建邪生庶魚

魚有睫及目合腹中自連珠二目不同連鱗白髯腹下丹字並殺人

秀才顧非熊言釣魚當釣其旋繞者失其所主衆鱗不復去頃刻可盡

續博物志魚子合豬肝食之殺人觀魚制帆

譚子化書海魚有吐黑水上庇其身而游者人因黑而漁之

有愛鮑魚若鳳膏者歸田錄今世俗言語之說而舉世君子小人皆同其謬者惟打字兩造舟車者曰打船打車網魚曰打魚汲水曰打水

東坡志林僧謂酒爲般若湯謂魚爲水梭花鷄謂鎖雞葉竟無所益但欺而已世常有之有爲不義而文之以美名者與此何異哉

物類相感志薄荷去魚腥

枳實煮魚則骨軟或用鳳仙花子煮魚羹臨煮熟入川椒多則去腥

後山談叢魚行隨陽春夏浮而迴流秋冬沒而順流漁者隨其出沒上下而取之

續諺云子過母當暑而涼水退而氣潛皆爲大水之候顧人謂前水爲母後水爲子後水大於前水爲子勝母水終魚當大出河濱之人厭於食鮮水退而魚不出爲潛云

夢溪筆談宋明帝好食蜜漬鯉鱖一食數升鯉鱖乃今之烏鰂鰂也如何以蜜漬食之大抵南人嗜鹹北人嗜甘魚加糖蜜蓋便于北俗也

補筆談孫思邈千金方人參湯須用流水煮用止水則不驗人多疑流水無異予嘗見丞相荆公喜放生每日就市買活魚縱之江中莫不洋然惟鱸入江水輒死乃知鱸雖但可居止水則流水與止水異不可不信夫魚生流水中則背鱗白生止水中則背鱗黑而味惡此亦一驗矣謂豈其食魚必河之魴蓋流水之魚品流自異

西溪叢語魚皆逆水上近有詞云江水東流郎又西問尺素何由到似非也古樂府緩聲歌云思東流之水必有西上之魚

談苑小池中魚至九月十月間宜取投大水中不爾冬間俱凍死鮑魚惟食草人刈草以飼之至八月則不食至三月復食如初

魚躍龍門化龍時必須雷電爲燒其尾乃化避暑錄話浙東溪水峻急多灘石魚隨水觸石皆死故有溪無魚土人率以陂塘養魚乘春魚初生時取

種於江外長不過半寸以木桶置水中細切草爲食如食蟹謂之魚苗一夫可致數千枚投於陂塘不三年長可盈尺但水不廣魚勞而瘠不能如江湖間美也大業雜記載吳郡送太湖白魚種子置苑內海中水邊十餘日即生其法取魚產子者裁將上者刈之

今吳中此法不傳而太湖白魚實冠天下也青箱雜記海有魚虬尾似鰐用以噴浪則降雨漢相梁臺災越王上厭勝之法乃大起建章宮遂設鴈魚於屋脊以厭火災即今世之鴈吻是也

筆記金鼎之貴無不求烹也清波雜志張無盡嘗作一表云魯酒薄而邯鄲圍城門火而池魚禍上句出莊子下句不知所出以意推之當是城門失火以池水救之池竭而魚死也廣韻

池字韻注云池水沼也古有姓池名仲魚者城門失火燒死諺曰城門失火殃及池魚白樂天詩有火發城頭魚水裏救火竭池魚失水初不主姓名之說然廣韻所載當有所據

芥隱筆記前漢貨殖傳水居千石魚波言養魚一歲收千石唐皮日休釣侶詩一斗霜鱗換濁醪注云吳中賣魚論斗酒乃論斤

墨莊漫錄山谷詩云爭名朝市魚千里予問諸學士魚千里多云此齊民要術載范蠡種魚事法池中作九墩然初無千里字心頗疑之後因讀開尹子云以盆爲沼以石爲島魚環游之不知幾千萬里不窮也乃知前輩用事如此該博字皆有來處

感應類從志木瓜翻魚以木瓜灰和麥飯糠及米投

水中魚乃食之魚皆翻目矣

鷄肋編越州在鑑湖之中繞以秦望等山而魚薪難得故諺云有山無水有水無魚有人無義里俗頗以爲諺言及無魚則愁而欲爭矣

釣絲之半繫以荻梗謂之浮子視其沒則知魚之中鉤韓退之釣魚詩云羽沉知食駛則唐世蓋浮以羽也

蠡海集水族乃陰中之陽何以知其然歟蓋羽禽卵生者陽也水族亦多卵生剛在外之物皆屬者螺蚌龜鼈蝦蟹皆殼在外陽之氣輕而虛鳥得陽氣多故羽翮皆空管是以能高飛魚乃陰物而得陰氣多故腹內生肝是以能浮躍魚目晝夜不眠因知其爲陰物而得陽多者也

聞見後錄魚枕骨作器皿人知愛其色瑩徹耳不知遇蠱毒必爆裂尤可貴也

溪蠻叢笑榜魚山嵒無魚具上下斷其水採蓼菜困魚魚以珠出名場魚

岳陽風土記江上漁人取巨魚以兩舟夾江以一人持綸鉤其一輪繫其兩端度江所宜用餘皆軸之中至十鉤有大如秤鉤皆相連每鉤相去一二尺鉤盡處各置黑鉛一斤形如錘以候水勢深淺錘上撝以五寸許正鉤使故側絕江往來牽挽以待魚行亟取之謂之擺鉤數舟聯比而下每中魚則候其緩急急則縱緩則收隨之上下待其力困然後引而取之至有相逐數日者雖數百斤之魚皆可鉤綸用一百二十絲成魚至大者力不能勝即以環衛綸投副鉤助之亦須漁人得之於心應之於手也

貴耳集魚聚北道此物之靈也

山家清供河樞粥禮記魚乾曰范古詩有酌醴火枯魚之句南人謂之齋多煨食早有造粥者比游天台山取乾魚浸洗細截同米煮入醬料加胡椒言能愈頭風適放陳琳之檄亦有雜豆腐爲之者鷄跖集云武夷君食河樞鮑乾魚也因名之

五色線風俗通城門失火禍及池魚按百家書曰宋城門失火因汲池水以沃之池水空竭魚悉斃死喻惡人之茲并中傷良善也

雜俎曹植說庾冰曰鹹水之魚不游於江淡水之魚不入於海寧去累世宅不去鰕魚類

癸辛雜識江州等處水濱產魚苗地主至於夏皆取之出售以此爲利販子轉集多至建昌次至福建衢

務其法作竹器似桶以竹絲爲之內糊以漆紙貯魚種於中細若針芒最莫知其數著水不多但陸路而行每遇陂塘必汲新水日換數度別有小籃製度如前加其上以盛養魚之具又有口圓底尖如單離之狀覆之以布納器中去其水之盈者以小桶又擇其稍大而黑鱗者則去之不去則傷其衆故去之終日奔馳夜亦不得息或欲少憩則專以一人時加動搖蓋水不定則魚洋洋然無異江湖反是則水定魚死不可謂動矣至家用大布兜於廣水中以竹掛其四角布之四邊出水面尺餘盡籠苗魚於布兜中其魚苗時見風波微動則爲陣順水旋轉而游戲焉養之一月半月不覺漸大而貨之或曰初養之際以油炒糠飼之後並不育子

文云福州人謂之佩羹即今魚脍是也
輟耕錄藏魚說文魚也
空同子橄欖爲栴撥魚則浮亦磁石引針琥珀起草之類歟
偶談遊魚不解五音鼓琴出聽偶然而不必盡然
玉笑零音潮汝之盛播因月之盈虛古語如是離則驗之吾於魚腦之光波而信之矣蓋魚鰕水畜也水者月之波月者水之精陰氣之以類相感者也
嫺笑個書食祿宜却饋遺也而有時乎受饋遺故子產受生魚不爲傷廉
海槎餘錄江魚狀如松江之鱸身赤色亦間有白色者產於鹹淡水交會之中士人家以其肉細膩初爲膾烹之及有味皮厚如錢此品不但絕勝海鄉雖江左時魚鱸之味亦無以尚也按石首亦名江魚未嘗無一類也
豫章漫抄今人家池塘所養魚其種皆出九河謂之魚苗或曰魚秧南至閩廣北越淮涇東至於海無別種也蓋江湖交會之間氣候所鍾每歲於三月初旬挹取於水其細如髮養之舟中漸次長成亦有贏縮其利頗廣九江設廠以課之洪武十四年欽差總旗王道兒等至府緝食漁人謂之撈戶
廣莊江魚入海則感失其所常
舊傳正誤燕窩海粉二物俗以爲海味之素食誤也燕窩係銀魚之初生者海燕嘴以結窩故曰燕窩海粉是海魚口吐之物以其形似粉故曰海粉魚去而海粉浮上人即收之其色綠若日曬過收之其色黃是二物者一本魚質一爲魚吐非素物也

讀史訂疑岑嘉州詩魚龍川北蟠溪南鳥鼠山西洮水雲以魚龍對鳥鼠絕工然讀水經註方知魚龍乃龍魚也水出五色魚俗以爲靈故稱龍魚水又曰龍魚川

夷白齋詩話古詩有客從遠方來遺我雙鯉魚呼童烹鯉魚中有尺素書魚腹中安得有書古人以喻隱密也魚沉潛之物故云

元亨涉筆水畜魚也又川禽亦魚也

長松茹退慙慙子曰海有大魚背負萬山山有大獸尾占千里衆人聞而不信茲讀實之萬物一體物我同根以此而言則焦螟可以負太山螻蟻可以抗雷雨魚大而背負萬山獸大而尾拖千里夫復何疑古今謬魚兒秤水面水來泝高岸

田家雜占魚躍離水面謂之秤水主水漲高多少增水多少

僊曝談餘諸魚目中贖人膠淚所覆故水見陸不見珍珠船漁人以糊繇毛置網四角則多得魚云魚見之如人見錦繡也有人見垂釣布網但志心默禱揭諦呪七遍可使終日無獲

有漁者得魚甚易云取燕肉和麵爲餌鑰必以魚者取其不瞑目守夜之義

唐田澄蜀城詩地富魚爲米山芳桂是樵俗名沃土爲魚米之地

日知錄東魏杜弼檄梁文曰楚國亡後禍延林木城門失火殃及池魚後人每用此事清波雜志云不知所出以意推之當是城門失火以池水救之池竭而魚死也廣韻有池仲魚者城門失火仲魚燒死故諺

云城門失火殃及池魚據此則池魚是人姓名按淮南子云楚王亡其猿而林木爲之殘宋君亡其珠池中魚爲之殫則失火與池魚自是兩事後人誤合爲一耳

考池魚事本於呂氏春秋必己篇曰宋桓司馬有寶珠抵罪出亡王使人問珠之所在曰投之池中於是竭池而求之無得魚死焉此言禍福之相及也此後人用池魚事之祖

平陽府志平陽屬河州縣俱產魚然黃河急湍漁人又無網罟之具水漲時則持木棒何河岸而擊之中者百或得一焉此何異馬上健兒彎弓矢以射河伯也汾河產亦不多味肥美惟臨晉五姓湖魚甚廣漁人畜鷓鴣取之味差減黃河矣

魚部外編

山海經海外南經結臂國在其西南山在其東南目此山來蟲爲蛇蛇號爲魚

長臂國在其東捕魚水中兩手各操一魚

海外東經元股之國在其北其爲人衣魚註以魚皮爲衣也

海內南經氏人國在建木西其爲人面而魚身註盡胃以上人臂以下魚也

大荒南經有人名曰張弘在海上捕魚海中有張弘

之國食魚使四鳥有人焉鳥喙有翼方捕魚於海大荒西經五人之國註人有魚偏枯名曰魚婦顓頊死即復蘇蛇乃化爲魚是爲魚婦註淮南子曰后稷龍在建木西其人死復蘇其半爲魚蓋謂此也

大荒北經有人方食魚名曰深目民之國盼姓食魚拾遺記堯命夏鯀治水九載無績鯀自沉於羽淵化爲元魚時揚鬚振鱗橫修波之上見者謂爲河精羽淵與河海通源也海民於羽山之中修立鯀廟四時以致祭祀常見元魚與蛟龍跳躍而出觀者驚而畏矣至舜命禹疏川冀岳濟巨海則龍龜而爲梁踰翠岑則神龍而爲駁行遍日月之墟惟不踐羽山之地皆聖德威靈之靈化其事牙說神變猶一而召狀不同元魚黃熊四音相亂傳爲流文鯀字或魚邊元也

羣疑衆說並略記焉

冀州之西二萬里有孝養之國舜受堯禪其國執玉帛來朝特加賓禮爰及鳥獸昆蟲以應陰陽至億萬之年山一輪海一場魚蛟陸居有赤鳥如鴈以翼覆蛟魚之上蛟以尾叩天求雨魚吸日之光冥然則暗如薄蝕矣

尚書中候天乙在亳都鄰國禮負歸德東觀於洛習禮堯壇降三分沉璧退立榮光不起黃魚雙躍出濟於壇黑鳥以雄隨魚亦止化爲黑玉赤勒曰元精天乙受神福伐桀克三年天下悉合

瑯嬛記湯既伐桀讓於務光務光笑曰以九尺之夫而讓天下於我是形吾短也羞而沉於水有只尺之魚負之而去西陽雜俎南人相傳秦漢前有洞主吳氏土人呼爲

吳洞娶兩妻一妻卒有女名葉限少慧善陶金父愛之末歲父卒為後母所苦常令機險汲深時嘗得一鱗二十餘鰓鑿金目遂潛養於盆水日日長易數器大不能受乃投於後池中女所得餘食輒沉以食之至池魚必露首枕岸他人至不復出其母知之每伺之魚未嘗見也因詐女曰爾無勞乎吾為爾新其襦乃易其弊衣後令汲於他泉計里數百也母徐衣其女衣袖利刃行向池呼魚魚即出首因斫殺之魚已長丈餘膳其肉味倍常魚藏其骨於爵樓之下逾日女至向池不復見魚矣乃哭於野忽有人被髮倉衣自天而降慰女曰爾無哭爾母殺爾魚矣骨在囊下爾歸可取魚骨藏於室所須第祈之當隨爾也女用其言金襖衣食隨欲而具及洞節母往令女守庭果女伺母行遠亦往衣翠紡上衣羅金履母所生女認之謂母曰此甚似姊也母亦疑之女覺遽反遂遺一隻履為洞人所得母歸但見女抱庭樹眠亦不之慮其洞鄰海島島中有國名陀汗兵強王數十島水界數千里洞人遂貨其履於陀汗國國主得之命其左右履之足小者履減一寸乃令一國婦人履之竟無一稱者其輕如毛履石無聲陀汗王意其洞人以非道得之遂禁錮而拷掠之竟不知所從來乃以是履棄之於道旁即過歷人家捕之若有女履者捕之以告陀汗王怪之乃搜人室得葉限令履之而信葉限因衣翠紡衣羅履而進色若天人也始具事於王載魚骨與葉限俱還國其母及女即為飛石擊死洞人哀之埋於石坑命曰懷女塚洞人以為祿祀求女必應陀汗王至國以葉限為上婦一年王食求祈於

魚骨寶玉無限逾年不復應王乃葬魚骨於海岸用珠百斛藏之以金為際至徵卒叛時將發以贍軍一夕為海潮所渝

神仙傳蘇仙公者桂陽人也漢文帝時得道常與母共食母曰食無鮮他日可往市買也先生於是攜錢而去斯須即以鮮至母食畢曰何處買來對曰便縣市也母曰便縣去此百二十里道途徑險往來遽至汝欺我也欬杖之先生跪曰買鮮之時見舅在市與我語云明日來此請待舅至以驗虛實母遂寬之明曉舅果到云昨見先生便縣市買鮮母即驚駭方知其神異

西京雜記昆明池刻玉石為魚每至雷雨魚皆鳴吼鬣尾皆動漢世祭之以祈雨往往有驗

抱朴子論傳篇甘始以藥含生魚而煮之於沸脂中無藥者熟而可食其嚼藥者遊戲終日如在水中也神仙傳葛元字孝先元手拍牀燕雀魚龍之屬使之舞皆應絃節如人見賣魚者在水邊元謂魚主曰欲煩此魚至河伯處可乎漁人曰魚已死矣何能為元曰無苦也乃以魚與元元以丹書紙置魚腹擲魚水中俄頃魚還躍上岸吐墨書青色如大葉而飛去吳大帝請元相見欲加榮位元不聽求去不得以客待之常共游宴坐上見道間人民請雨帝曰百姓請雨安可得乎元曰易得耳即便書符著甕中一時之間天地晦冥大雨流注中庭平地水尺餘帝曰水寧可使有魚乎元曰可復書符水中須臾有大魚百許頭亦各長一二尺走水中帝曰可食乎元曰可遂使取治之乃真魚也

搜神記彭蠡湖側有鄉人李進勃者以販販蠡湖魚為業常以大船滿載其魚於金陵夜泊三山之浦其夕風靜波澄月色如畫進勃乃步於岸側聞船內有千萬人誦經聲進勃驚而異之伺聽於岸其音清亮非常勃即登舟察之乃船內魚耳進勃曰由我鄙見販易衆生輪迴之身不可測也因悉放魚於江中臨放魚時言曰諸魚既各通靈他日某若困苦敢希方便垂思矣由是改業販賣獲新數年之間大作庫役載薪於金陵貨之未到間值大風吹溺簾筏一時沉沒惟進勃置於江中不溺足下如有所履俄而被風颺竹數竿至於進勃身側進勃扶此竹而獲濟乃見大魚數百頭於進勃足下乘之及有竹頭其拽竹而行于時到於洲乃得登岸回顧諸魚各已散去至夜不得渡江即栖於洲上將更深矣進勃即獨坐愁苦兩淚迸灑嗟身之蹇蹇一至於茲忽見杖藜碎縵中光芒然進勃即以手摸之獲金二斤乃袖於懷中愁悶頗息俄見一人著白衣向波心湧立謂進勃曰朝來得存性命及獲金乃汝前者所放諸魚今各報子恩也言訖不見待旦即有魚數十頭又拽一葉舟來撓棹俱備進勃因得及岸而歸矣余常覽佛書見論十千天子報恩何異於是乎

古巢一日江水暴漲尋復故道港有巨魚重萬斤三日乃死合郡皆食之一老姥獨不食忽有老叟曰此吾子也不幸罹此禍汝獨不食吾厚報汝若東門石龜目赤城當陷姥曰往視有稚子訝之姥以實告稚子欺之以朱傳龜目姥見急出城有青衣童子曰吾

龍之子乃引姥登山而城陷為湖

異苑晉吳諫為魚塞於雲湖有大魚化為人語諫云晚有大魚攻塞切勿殺諫許之須臾有大魚至尋魚從之諫同侶誤殺大魚是夕風雨晦冥魚悉飛上木間因號為飛魚徑

廣古今五行記晉安郡民斷溪取魚忽有一人著白帽黃練單衣來詣之即同飲饌畢語之曰明日取魚當有大魚甚異最在前慎勿殺明日果有大魚長七八丈邐來衝網其人即捕殺之破腹見所食飯悉在其人家死亡略盡

元中記東方之大者東海魚焉行海者一日逢魚頭七日逢魚尾魚產則百里水為血

搜神後記錢塘杜子恭有祕術嘗就人借瓜刀其主求之子恭曰當即相還耳既而刀主行至嘉興有魚躍入船中破魚腹得瓜刀

南康記南康有狂人周可大見魚必置數十頭食餘棄於几上人謂隨即臭腐可大以手摩之皆為石魚後年餘友人訪之見其紙裏石魚燬以啖客新香不異常魚

古今五行記安城民尹兒宋元嘉中父暫出令守舍忽一人年可二十騎馬張斗徽從者四人衣並黃色從東方來於門呼尹兒求暫寄息因入舍中庭下坐胡牀一人捉徽覆之尹兒看其衣悉無縫五色斑斕似鱗甲而非也有頃雨將至此人上馬去顧語尹兒曰明當更來乃西行躡虛而昇須臾雲氣四合白晝為之晦冥明日大水暴至川谷沸湧丘壑森漫將淹尹舍忽見大魚長三丈餘盤屈當水衝尹族乃免漂

蕩之患

江表異同錄宋後廢帝元徽三年京口戍將劉萬年夜巡於北固山西見二男子容止端麗潔白如玉遙呼萬年謂曰君與今帝姓族近遠萬年曰望異姓同一人曰汝離族異恐禍來及萬年曰吾有何過客曰去位禍即不及萬年見二人所言益異之萬年謂二人深謝預聞用何見酬萬年欲請歸鎮二人曰吾非世人不食世物萬年與語之次化為魚飛入江去萬年翌日託疾遂罷其位後果如魚所言

宣城縣志宣城郡民劉成李驪署魚蟹吳越間天寶十三年自新安往丹陽郡至下查浦去宣城四十里天暮泊舟時暉往浦岸村舍獨成在江上忽聞舫中有聲見一大魚振鬣搖首呼阿彌陀佛成懼匿身蘆中俄聞羣魚俱躍呼佛聲動地登舫投魚江中有頃暉至成具以告驪怒曰豎子安得妖妄乎成用衣囊酬其直餘百錢易荻草十餘束於岸明日遷入舫中重不可舉視之得繒十五千題云償汝魚直西陽雜俎說州五城縣黑魚谷貞元中百姓王用業炭於谷中有木方數步常見二黑魚長尺餘游於水上用伐木飢困遂食一魚其弟驚曰此魚或谷中靈物兄奈何殺此有頃其妻餉之用運斤不已久乃轉面妻覺狀貌有異呼其弟視之忽被衣號躍變為虎焉徑入山時時殺鹿鹿夜擲庭中如此二年一日昏叩門自名曰我用也弟應曰我兄變為虎二年矣何鬼假吾兄姓名又曰我往年殺黑魚冥謫為虎比因殺人冥官咎余一百今免放杖傷遍體汝弟視予無疑也弟喜遽開門見一人頭猶是虎因怖死舉

家叫呼舟避竟為村人格殺之驗其身有黑子信王用也但首未變元和中處士趙齊約常至谷中見村人說

宣室志有石曼者不知何許人也浪迹江湖之間有年數矣道術元妙殆不可測長慶中客於宛陵郡有雷氏子常為宣城部將一日與友人數輩會飲於郡南別墅曼亦在坐其家童網得一魚長數尺致於舍是日雷生與客俱深醉諸客盡去獨曼宿雷氏別墅時夏暑方甚及明日其魚已敗爛不可食矣家童將棄之曼謂之曰此魚雖敗吾有良藥尚可活之安可棄耶雷生笑曰先生妄矣誠有良劑安能活此魚耶曰吾子幸觀之於是衣中出一小囊囊有藥數粒投於敗魚之上僅食頃其魚鮮潤如初俄而搖鬣振鱗若在洪流中雷生驚異再拜謝曰先生之術可謂神矣某輩庸俗望望先生高蹤若井鮒之與雲禽焉得而為伍乎

錄異記前進士崔道紀及第後遊江淮間遇酒醉甚臥於客館中其僕使井中汲水有一魚隨桶而上僕者得之以告道紀道紀喜曰魚樂甚能醒酒可速烹之既食良久有黃衣使者自天而下立於庭中連呼道紀使人執挺宣勅曰崔道紀下土小民敢殺龍子官合至宰相壽合至七十並宜削除言訖升天而去是夜道紀暴卒年三十五

聊齋記昔宗義思桑梯不見侯月徘徊於川上見一大魚浮於水面戲顰曰汝能為某通一問於桑氏乎魚遂仰首奮鱗開口作人語曰諾宗義出袖中詩一首納其口中魚若吞狀即躍去是夜桑梯聞叩闥聲

從門隙視之見一小龍據其戶驚而入不寢達旦開戶視之惟見地上形霞箋一幅詩曰飄飄雲中鶴遙遙暮其儻蕭蕭獨處客悵悵思好迷愁心何當已愁病何當瘳誰謂數武地化作萬里修誰謂長河水化作激激流誰謂比翼鳥化作各飛鳴悲傷出門望川廣無方舟無由竭余款馳想託雲浮由此觀之則魚能寄書實有是事執紼製魚盛書更是一事

沈世坦謝美人製魚書甚旨一時傳誦中有云製楚江之鯉裁越國之綾造化杳冥出茲針線鱗甲彷彿成彼丹青雖辜彈鋏之心聊作傳書之使素手得蒙一水寧辭鮫室嚙珠綵毫儻點雙睛尚冀龍門燒尾註曰昔楊隱之女有仙術與父爭衡隱之以土撚作小丸散土中即生梧桐數株葉青蔥女以素綾剪小魚一沾水即躍去共為笑樂忘其貧約顧士思少時見鄰家捕魚恆買放之一日有美男子叩門贈以明珠曰此鮫室上珠報君活我士思後為吏部郎沈明遠畫一魚不點雙睛書戲託人曰若點當化龍去有一童子拈筆試點沈叱之魚已躍去矣欲詰童子失其所在

李思訓畫一魚甫完未施藻荇之類有客叩門出看尋入失去畫魚使童子覓之乃風吹入池水內拾視之惟空紙耳後思訓臨池往往見一魚如所畫者嘗戲畫數魚投池內經日夜終不去

稽神錄洛陽處士劉某頗有奇術恆為河南尹張全義所禮會與梁太祖食思魚膾全義曰吾有客能立致之即召劉使掘小坎汲水滿之垂釣良久即獲魚數頭梁祖大怒曰妖妄之甚者也即杖背二十械

繫於獄翌日將殺之其夕亡去劉友人為登封令其日至縣謂令曰吾有難從此逝矣遂去不知所之九國志廖光圖與伊岳道士尹用昌為林泉之交母病思鱸值江暴漲不可得用昌探懷得一木獺長三寸許再三祝之投於江中須臾波浪騰湧遂擒一巨鱗出因取作鱸母食而愈

十國春秋南唐許堅傳堅失其家世或云晉長史穆之裔也形怪而陋嘗往來雲泉寺所居地重巒喬山人號小蔣山堅喜作詩夢中多吟味詩句且則負一布囊遊廬阜白鹿洞茅山九華間性嗜魚輒炙之火上不去鱗而食堅有異術太虛觀有池堅放所炙魚於池中頃之化生魚逝去

欽定古今圖書集成博物彙編禽蟲典

第一百三十八卷目錄

鯨魚部彙考

鯨魚圖

爾雅釋魚

古今注最魚

述異記鯨目

金樓子鯨湖

爾雅翼鯨鯢

鯨魚部藝文詩

咏石鯨應詔

鯨魚部選句

鯨魚部紀事

鯨魚部雜錄

鯨魚部外編

鯨魚部彙考

鯨魚圖

博物志鯨魚

交州記鯨卵

南州異物志鯨卵虎座

嶺表錄異記鯨相捕食

洽聞記鯨魚同名

太平廣記鯨魚

爾雅翼鯨

鯨魚部藝文

幾鯨魚文

陳周弘正

朱陳堯佐

鯨魚部紀事

鯨魚部雜錄

鯨魚部彙考

鯨魚圖

詩經新風頌人

爾雅釋魚

山海經東山經

大戴禮記夏小正

古今注魚蟲

南越志金尤魚

嶺表錄異記黃蠟魚

毛詩陸疏廣要鯨有鯢

埤雅鯢

爾雅翼鯢

遜園居士魚品江東鯢

本草綱目鯢魚名主藥肉氣味主藥

直省志書丹徒縣

鯢魚部藝文一

水族加恩簿

鯢魚部藝文二詩

黃魚

鯢魚部紀事

鯢魚部雜錄

宋毛勝

唐杜甫

禽蟲典第一百三十八卷

鯢魚部彙考

釋名

鯢

鯢

鯢魚圖



爾雅

釋魚

鯢大者謂之鯢

今鯢魚似鮐四脚前似獼猴後似狗聲如小兒啼大者長八九尺別名鯢

鯢鯢鯢也大者長八九尺別名鯢

鯢鯢鯢也大者長八九尺別名鯢

古今注

鯢

鯨魚者海魚也大者長千里小者數千丈一生數萬子常以五月六月就岸邊生子至七八月導從其子還大海中鼓浪成雷噴沫成雨水族驚畏皆逃匿莫敢當者其雌曰鯨大者亦長千里眼爲明月珠述異記

鯨目

南海有明珠即鯨魚目鯨鯨死而目可以鑒謂之夜光

金樓子

鯨潮

鯨鯨出穴則水溢爲潮鯨出入有節故潮有期

爾雅翼

鯨

鯨海中太魚也其大橫海吞舟穴處海底出穴則水溢謂之鯨潮或曰出則潮下入則潮上其出入有節故鯨潮有時江賦曰介鯨乘濤以出入春秋左氏傳曰古者明王伐不敬取其鯨鯨而封之以爲大戮於是乎有京觀以懲淫惡蓋鯨鯨有力能驅食小魚故以喻夫強暴而凌弱者如獸之有猙獰如蟲之有長蛇如鳥之有鷙鴞然京觀之喻不取於彼而獨言鯨鯨者蓋鯨鯨導從數萬子跋扈大海中有渠魁之義且其死也有彗星應之而出吳都賦所謂極鯨輩中於羣特機搶暴出而相屬是也王者之行戮亦除舊布新之義故以鯨鯨言之鯨從京京大也亦京觀之義歟不惟小族畏之而已海畔之獸有蒲牢者大聲如鐘而性畏鯨食於海畔鯨魚或躍蒲牢輒鳴故鐘欲聲大者作蒲牢形其上斷撞爲鯨形天子出則

擊之故因謂鐘之撞爲鯨魚東都賦曰登鯨魚鏗華鐘是也晉武帝時吳郡臨平岸崩出一石鼓擊之不鳴張華請以蜀桐作魚形扣之聲徹十里豈鼓亦有蒲牢狀耶三輔舊事清澗北有鯨魚刻石爲之長三丈

鯨

鯨者鯨之雌亦長千里吳都賦曰長鯨吞航修鯨吐浪言其爲患同也說文以鯨爲海太魚或從京鯨刺魚也則似異類然或各即其異者而言之未可知爾魏武四時食制曰東海有魚如山長五六里謂之鯨時死岸上膏流九頃異物志曰鯨鯨或死於沙上得之者皆無目俗言其目化爲明月珠詳此等大魚似不爲物所制然屢有死者蓋形體既大易至於礙而失水也隋書倭國有如意寶珠其色青大如雞卵夜則有光云魚眼晴今海中有鯽魚長三尺許無鱗身中正四方如印扶南俗云諸大魚欲死鯽魚皆先封之然則魚死自有時爾鄧析子曰釣鯢者不於清池池之清淺者不應有鯢也

鯨魚部藝文

詩

陳周弘正

石鯨何壯麗獨在天池陰鸞鰭橫海半出似浮深吞航本無日吐浪亦難尋聖帝游靈沼能懷躍藻心

鯨魚部選句

賈誼弔屈原文彼尋常之汙浪今何以容吞舟之魚橫江湖之鯨鯨今固將制夫螻蟻木華海賦魚則橫海之鯨突兀孤遊喻波則洪漣跟踏吹湧則百川倒流巨鱗刺雲洪翼插天頭顱成嶽流膏成淵

鯨魚部紀事

拾遺記越王勾踐使工人以白馬白牛祠昆吾之神採金鑄之以成八劍之精五名鯨鯢以之泛海爲鯢爲之深入春秋後語楚王問宋玉曰先生其有遺行歟何士民衆庶不譽之甚也宋玉對曰夫鳥有鳳而魚有鯨鳳凰上擊九千里翔翔乎窮冥之上夫藩離之鷗豈能與料天地之高哉鯨魚朝發於崐崙之墟暮宿於孟津尺澤之鯢豈能與量江漢之大哉故非獨鳥有鳳而魚有鯨士亦有之

廣異記開元末雷州有雷公與鯨鬪身出水上雷公數十在空中上下或縱火或雷擊七日方罷海邊居人往看不知二者何勝但見海水正赤寰宇記有人往林邑於海嶼上得鯨頭骨如數百斛困頂上一孔大如甕俗以爲珠穴東軒筆錄胡且作長鯨吞舟賦其狀鯨之大曰魚不知舟在腹中其樂也融融人不知舟在腹內其樂也洩洩又曰雙鬚竿直兩目星溢楊孜覽而笑曰許大